

Edin Forto

Zastupnik u Skupštini Kantona Sarajevo

Broj: _____/18

Sarajevo, 07.05.2018.

Dostaviti:Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r sekretar Skupštine Kantona Sarajevo*Uputiti: Ministarstvo komunalne privrede Kantona Sarajevo***PREDMET: ZASTUPNIČKA INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), upućujem zastupničku inicijativu prema ministru komunalne privrede Kantona Sarajevo Senad Hasanspahić:

Tražim da poništite postupak odabira privatnog partnera za javno privatno partnerstvo na projektu "Zamjena i ugradnja LED svjetiljki i sistema upravljanja javnom rasvjetom na području Kantona Sarajevo", te da postupak ponovite uzimajući u obzir sljedeće činjenice:

1. Ključni kriterij za odabir najpovoljnijeg privatnog partnera je cijena, umjesto perioda povrata investicije. Zamjena konvencionalne ulične rasvjete LED tehnologijom je u svojoj suštini projekat unaprijeđenja energijske efikasnosti i ključni kriterij za ovakve projekte ne može biti današnja cijena, već ukupne uštede. Ukupne uštede se mjere povratom investicije u određenom periodu. Tako je izvjesno da bi neki od ponuđača u ovom trenutku ponudili skuplju tehnologiju, ali bi se ukupne uštede pokazale bržim povratom investicije, što bi ga stavilo ispred, a ne iza jeftinijeg ponuđača.
2. Ključni kriterij za pretkvalifikaciju privatnog partnera je učešće na istim projektima zamjene javne rasvjete minimalne vrijednosti od 30 miliona KM u posljednjih pet godina. Ovaj kriterij isključuje sve firme u Bosni i Hercegovini. Kako ovakvih projekata ima napretek u cijelom regionu, potrebno je razmotriti mogućnost da se upravo ovakvim projektima firmama iz BiH omogući stjecanje potrebnih referenci kako bi mogli učestovati na istim ili sličnim natječajima širom regije i Evrope.
3. Projekti energijske efikasnosti poput ovog se gotovo isključivo finansiraju iz izuzetno povoljnih kreditnih i nepovratnih fondova Evropske Unije i neobično je da je izabran ne samo model javno-privatnog partnerstva, već i takav da se ne gledaju ukupne uštede, već isključivo minimalne propisane uštede kao kriterij.

Zbog gore navedenih razloga, potrebno je ponoviti javni poziv uz promjenu ključnih kriterija kako je gore navedeno.

Za sve dodatne informacije možete nas kontaktirati putem e-maila nasastranka@nasastranka.ba, telefonski na 033 408 888 ili putem faxesa 033 408 881.

S poštovanjem,

Edin FortoZastupnik u Skupštini Kantona Sarajevo
Naša stranka